

O le Talo i Amerika Samoa

Meaola Fa'alafua ma Fa'ama'i i Amerika Samoa

Numera 2



Kolisi Tu'ufa'atasi o Amerika Samoa
Ofisa o Lanfanua ma Atina'e
Vaega o Sailiiliga ma le Fa'alauteleina o
Mataupu Tau Fa'atoaga ma le Tamaoaiga

O le Talo ma lona Taua

E tele lava ina fa'aaogaina mo mea taumafa talo o lo'o maua i totonu o Amerika Samoa, ae a tele atu nai lo le mana'omia mo mea-taumafa, ona fa'atau atu lea i le maketi iFagatogo ia po'o le fa'atau atu fo'i i nai tama'i maketi i luma atu o fale i tafatafa-ane o le auala. A'o le tele o taimi, o le tele lava o talo e fa'aaogaina mo fa'alavelave fa'aaleatunu'u ia po'o le foaina tafatafa-ane o le auala. A'o le tele o taimi, o le tele lava o talo e fa'aaogaina mo fa'alavelave fa'aaleatunu'u ia po'o le foaina atu fo'i fa'ameaalofa mo nisi o aiga po'o uo.

I le tausaga e 1989, e tusa ma le 1240 eka o laueleele uma o Amerika Samoa sa na'o le talo na totonu ai. Mai lea aofa'iga, e tusa ma le 619,000 pauna talo na maua mai ai ma fa'atauina atu i le maketi. E le fa'aaogaina talo mo ni fefa'atauina ma isi atunu'u.

I le tausaga e 1993, e 786,000 pauna o talo sa fa'atauina atu. E tusa e 11,000 pauna talo sa fa'aititia ai talo maua i le tausaga e 1995 e mafua mai ona o le fa'ama'i o le lautalomu po'o le lega. I le taimi nei ua toe feololo ma ua toe fa'ateleina le talo i totonu o le atunu'u ina ua maua mai talo e mafai ona tete'e atu i le fa'ama'i o le lega mai le motu po'o le atunu'u o Palau mai le Atu-Mikolenisia.

Sa mafai ona fa'atauina atu ma maua le tau talo i le maketi I Fagatogo a'o le'i afaina le talo i le fa'ama'i o le lega i le na'o le \$0.50 i le pauna talo. Ae ina ua toe maua le talo i le tausaga e 1998, sa fa'atauina atu le talo ise tau maua luga e tusa ma le \$2.25 i le pauna.



'Vaega ole Atunu'u e ola ai le Talo

E ola ma maua le talo il vaega uma o le atunu'u. O le talo e ola i le tele o vaega matutu. Ao alalafaga e pei o Aunu'u i le motu o Tutuila, Ofu, Olosega ma Tau i le motu o Manu'a e toto ma ola lelei le talo i vaega eleele e susu. O ia eleele a o'o ina timuga ona to'a ai lea o suavai, ae a matutu taufusi nei ona fa'ato'a lea e afioaga i le totonu ai ole talo.

Auaiga o Talo

E auaiga fa'atasi le talo ma laau teuteu laoa ma maota e pei ole anifiriumi (anthurium) ma e tolu ituaiga talo e ola lelei i Samoa. O le tala taatele, faataitaiga o le talo Niue, talo Manu'a. O lona lua

o le talo Palagi, poo le lautalo e pei ona fa'aigoaina ai e nisi alalafaga, ia ma le taamu. O le talo Niue le talo e pito i sili ona fiafia le to'atele o le atunu'u e taumamafa ai.

O foliga ole talo e fai ona fa (fa-talo) o ona lau e foliga mai ose ata ose fatu, ma o ona fa e fepiiti i lona aano e maua i lalo o le palapala. O le uumi o fa-talo o le talo, o nisi e amata i le ta'i 3-4 a'o nisi e atoa lava le ta'i 5 futu le u'umi.. O le i'o poo lona aano e maua i lalo ole palapala ma e tali foliga i le i'o o le pateta. E fa'avelaina le talo pe'a tao i le umu ia po'o le saka fo'i ia vela i le vai vevela i totonu o le ulu a'o le'i taumafaina.

O tama'i talo ia e fananau mai i le talo lapo'a e ta'ua pe fa'aigoaina o lauvai.

O le Galueaiga o le Talo

E maua ma ola lelei le la'au lenei o le talo ile sili atu i le 65 atunu'u o le lalolagi ma ose tasi o mea-toto ua tausaga ma tausaga o galueaina e tagata. O mea-ai masoa e maua mai i le talo ma o ia mea-ai masoa e aoga tele i le tino aemaise lava i totonu o atunu'u tau atia'e. O le palusami ose tasi taumafa sili ona taua tele i tagata Samoa ma e gaosia mai lenei taumafa i le lau o le talo. O le talo e tele lona taua i le aganu'u fa'a-Samoa. Ma i totonu lava o Amerika Samoa, e tusa ma le 20 ituaiga talo eseese e maua ai. O nisi la o ituaiga talo nei e aofia ai le talo niue, manu'a, pa'epa'e, pula samasama, fa'elele, male talo tusitusi. Ae o le fa'afitauli o talo nei e leai se talo e sao mai i le fa'ama'i o le lautalo-mu po'o le lega.

O le masani a le atunu'u, e toto fa'atasi lava le talo, niu, fa'i ma isi lava la'au ise fanua e tasi i le taimi e tasi. i le fa'atinoina o le fa'ato'aina ose ogaeleele ua fuafuaina mo se fa'ato'aga, o le naifi (sapelu) lava e tele ina fa'aaoga mo le salaloina o le vao atoa ai ma la'au laiti. O le sa'ilia o tiapula mo le totonu, e mafai ona asamo (aisi) mai i aiga tua'oi, ia po'o uo fo'i. Ae afai ae iai se fuafuaga mo le fa'ateleina ose ma'umaga ae mana'omia ai nisi tiapula mo le totonu, ona fa'aaoga lea iai o lauvai po'o tama a talo lapopo'a.

O le 'oso o le mea lea e fa'aaoga e toto ai le talo. O le 'oso e saunia mai ise la'au malo ia po'o 'oso fa'anei-onapo ua fausia mai ise fasi paipa ina ia umi lona fa'aaogaina. A mae'a ona tapenaina le laufanua mo se ma'umaga talo ua fuafuaina, ia tutu'i muamua i lalo i le palapala le 'oso ia maua le 6-8" le maua lalo o le pu. O nisi taimi e sili atu fo'i le loloto o le pu e fa'alagolago lava i le ituaiga o eleele o lo'o galueaina. A mae'a ona momono lea iai o le tiapula ona toe sunu'i lea iai o ni nai palapala e tanutanu ai. O le fa'amamaina o le vao mai i totonu o se ma'umaga e vele lava i lima, se'ivagana nisi ma'umaga e fa'aaogaina e le aufaifa'ato'aga ia launiu po'o aulama ma laufa'i po'o otaota fo'i e fola solo ai totonu o ma'umaga ina ia tanumia ai le vao ma mate ai. E mafai ona matua le talo i totonu o le 6-9 masina. A fafai le talo e muamua ona ave'ese ona fa-talo pito i tua. E fa'alagolago i le lapo'a o le talo, ia fa'atotoe ni fa se 3 pe 4. Ia tipi esea lau o lautalo nei ma ia fa'atotoe ai e tusa ma le 1-2 futu le umi o le tiapula ia totoe ai e amata mai i lona i'o.

E mafai ona toto fa'asoloatoa le talo i le tele o taimi o le

Sa saunia lenei fa'amaumaga e le Ofisa o Laufanua ma Atina'e i le ma le galulue fa'atasi ma le Ofisa o Fa'atoaga a le Lunaita Sitete. Ma ua tu'uina atu mo le fa'alauteleina o Mataupu Tau Fa'atoaga ma le Tamaoaiga, e tusa ai ma le Tulafono na pasia ia Me 8 ma Iuni 30, 1914. O polokalama uma a le Ofisa o Laufanua ma Atina'e a le Kolisi Tu'ufa'atasi a Amerika Samoa e fa'atinoina e aunoa ma se fa'aaloga tagata ona o le: lanu, atunu'u, ali'i po'o tamaita'i, tapuiga, tausaga o le soifua, afaina le tino po'o le mafaufau, talitonuga fa'apufai o malo, fa'aipoipo pe nofo fua, po'o le tulaga fo'i o le aiga.

tausaga se'ivagana ai ua afaina ise fa'ama'i pe osofa'ia fo'i ese iniseti fa'alafua ona fa'aitiitia fo'i lea. E le fuia ma'umaga talo i le vai e pei ona o lo'o fa'atinoina i nisi atunu'u. i totonu o le motu o Aunu'u i le tele o tausaga ua tauna'i, sa lolofia talo i le vai. Ae o le malosi o le tanuina i otaota ua ea ai lea ogaeleele ua maua ai le palapala matutu o lo'o totoina ai le talo e o'o mai i le taimi nei. Ua ma'ea fo'i ona eliina ni alavai i tafatafa ane o nei ma'umaga talo ina ia tafe atu iai le vai mai i timuga ina ia fo'ia le toe lolovaia o ma'umaga talo. Ma o le a'ano o le talo lenei mai Aunu'u e tusa ai ma molimau a le to'atele o le atunu'u, ose tasi o talo e manaia tele i le tausami.

Iniseti ma Fa'ama'i o le Talo

O fa'afitauli ogaoga o le talo i Amerika Samoa nei e aofia ai le vao, anufe-ai lautalo, lautalomu ma le pala po'o le mulitalo-susu. E le'o fa'aaogaina i le taimi nei ni vaila'au mo le togafitia o nei fa'afitauli.

O le Vao: O le fetaufa'oa'i e vao ma talo o mea-ai mai le elelele ua avea ai le vao ma fa'afitauli o le tele i maumaga aemaise le aufaifa'atoaga. O lenei fetaufaiga o mea'ai e ono afaina ai le lapo'a o le i'o ole talo. O lenei fa'afitauli e fa'iti'itia pe a atoa le 3-4 masina le matutua o talo. O le taimi lea, ua lautele ma ua maua foi le so'otaga o isi lau talo ma isi lau. O le so'otaga lenei e mafai e lau o le talo ona punitia le susulu atu o le la i vao ma avea lea ma tulaga e mate ai le vao. O le vao ose tasi lenei fa'afitauli e lamatia ai le tamaoaga ole talo i le tele o motu o le Pasefika. O le tasi o vao sili ona leaga mo ma'umaga talo ole vao-pinati. O le fa'amamaina o le vao I Samoa nei e aofia ai le vele-lima, tanuina i otaota aofia ai ma le faiga lea o lo'o taua i luga ole fa'amaluina lea o le vao pe a lautele lau o le talo.


Anufe –Ai Lautalo. E to'atele faifa'atoaga i Amerika Samoa e manatu o le iniseti lenei e numera tasi le afaina ai o ma'umaga talo. E eseese lava taaga a le iniseti lenei mai lea alalafaga i lea alalafaga. E matua tetele i nisi nuu ae fa'aleafaina tele i nisi foi alalafaga. E ta'i 200-300 fuamoa e mafai ona fofoina mai ese anufe ai lautalo fafine e tasi, e masani ona tuuina i le pito i lalo o le lautalo. E fofoa fua nei i le 4-8 aso talu mai ona tu'ufua le anufe fafine. O lava poo tama'i anufe nei e fofa mai fuamoa latou te aia le lau talo, mai i totonu oni nai aso, o le a vaaia ua nao le auivi o le lau talo o loo totoe.

Togafiti Fa'aleaganu'u: Ia mili i lima tama'i anufe nei a'o le'i fa'ateleina le afaina o le lau-talo. A fa'ateleina le afaina o lautalo ma ua fa'atupulaia le aofa'i o anufe, ia tatipi ese lau talo ua leaga ma susunu. Totoina ole pate i totonu o le ma'umaga ua molimauina lona aoga tele ona e fa'aitiitia ai le fa'afitauli lava lenei.

Tineia ole Anufe – ai – Lautalo e nisi Iniseti Aoga: E iai fo'i nisi iniseti aoga ua mautinoa e latou te fiafia e aia ia anufe-ai-lau talo nei.

Lautalo Mu (Lega). Na oo mai le "Lega" ma fa'atamaia ai le talo i Samoa nei ile 1993-1994. E leai se talo Samoa e sao mai i lenei fa'ama'i o le "Lega". O le fa'ama'i lega lenei e silisili ona ola ma malosi i vaitau malulu ma le susu. Ma o mataua o le timu e mafai ona latou feavea'i fua o le lega mai leisi lau talo i le isi lautalo pea pispisi solo i vaitaimi o timuga.

O le fua ole lega e mafai ona ulufia le lautalo poo le auau fo'i ini nai vai o lo'o i luga o le lautalo ona fa'atoa ulu ai lea i totonu o le lau talo. E ui i taumafaiga i auala eseese mo le taufoia o lenei mala, ua mautinoa ua na'o talo o loo iai le malosi e tete'e ai ile lega le fofa o le fa'afitauli lenei i Amerika Samoa.



Togafiti Fa'aleaganu'u: Ia vave ona aveeseina lau talo poo talo ua maua i le fa'ama'i ao lei tetele le fa'ama'i. E afaina le io ole talo pe a fa'atino le faiga lenei a ua tetele mai le ma'i ona ole tele o lau talo o le a aveesea.

Togafiti Fa'aoga ai Iniseti Aoga: E 13 ituaiga talo malolosi na auina mai mo Samoa mai le univesite o Hawaii. I se galuega na pulupulu-lima faatasi iai le Kolisi Tu'ufa'atasi o Amerika Samoa ma le matagaluega o le Ofisa o Fa'atoaga na mafai ai ona muai fa'amiliina ma fa'atauina atu i le mamalu ole atunu'u tiapula mai i talo Palau e le Kolisi i lona lala o Laufanua ma Atina'e, o le taimi fo'i lea na aumai ai tiapula mai le Univesite o Hawaii i se feso'ota'iga na talosagaina e le afoia ia Tauiliili a'o avea o ia ma fa'atonu o le matagaluega o Fa'atoaga. E 20 ni ituaiga talo malolosi ma tete'e atu i le lega na muai auina mai mai le atunu'u o Palau. Talu mai ai, o loo fa'aaogaina ma fa'aigoaina lava nei talo i numera na ulua'i aumai ai. Ma o nisi o talo ua tautaua ma lelei mai lenei aofaiga o le P1, P5, P10, ma le P20.

Talo U. E ta'atele le fa'ama'i lenei pea oo ile vaitau susu ma vaitaimi timu. E mafua foi le fa'ama'i lenei mai le isi ituaiga o lega ma ose fa'ama'i ta'atele i le Pasefika.

Togafiti Fa'aleatunu'u: Ia totoina tiapula na aumai ise maumaga e leo maua ai le fa'ama'i lea o le U. A o'o ina maua le lega lenei ise maumaga talo, o le a faigata ona tineia ma o le a tumau ai pea i sea fanua mo se taimi umi.

Nisi Auala mo Puipuiga o le Talo "U": E leai se talo e mafai ona tete'e atu i le fa'ama'i lenei se'i vagana ai nai isi talo Samoa nei e pei ole Talo Vale, Talo Tusitusi, Pate Mu, male Pula Samasama e iai le malosiaga e tete'e atu ai i le talo "u". Peita'i o talo uma nei e leai se talo e sao mai i le fa'ama'i o le Lautalomu, ma e le o ni ituaigiga talo ia e taua tele i le aganu'u ma Amerika Samoa nei.

O leni galuega sa fa'atupeina e le Polokalama o le Suesuega o le A'afiaga i Vailaau a le Ofisa o Fa'atoaga e le Iunaite Stiete (CSREES, USDA).

Fa'amolemole fa'afeso'ota'i mai le Vaega o le Fa'alauteleina o Mataupa Tau Fa'atoaga ma le Tamaoaga a le Ofisa o Laufanua ma Atina'e i le Kolisi Tu'ufa'atasi a Amerika Samoa i le (684) 699-1394/1575 mo nisi fa'amatalaga auiliili i lenei fa'ama'i o le Laufati'iti'i.